

Եւ առաւօտուս մուտ Մայիսի, որ օր Ուրբաթ: Օրս կրկին փոխեց վէճիրն զպատրիզն Հոռոմոց և առեալ այլ ևս բազում փող և զմիւսն ևս արար պատրիզ:

Շաբաթի օրս (2 Մայիս) և ոչ տիւան եղև, զի հիւանդ է: Երեկոյիս փռան տղաքն եկին ի տեսանել զՄղտեսին:

Կիրակի Գիւս: Օրս լուսինն նոր էր և ըստ բառի Տաճկաց Շապան ասի: Օրս էֆէնտին մեծ զպազարպաշին մեծաւ բարկութեամբ ի վար առեալ զանէ արամբ իւրով, և նա քանզի եէնկիւնէրի էր՝ գնացեալ առ տեսարս իւր և ընկերակիցքն հանգերձ գնդին իւրեանց և ի ծածուկս բազում աղմուկս հանեալ ի մէջ իւրեանց և ի մէջ կողմի վէճիրին ընդ միմեանս հաճաճառութեամբ եթէ ոչ փոխեսցես զդա չես բարեկամ կայսեր, այլ մեք ամենայն գնդիւս ելանեմք յտուն և զնա մասն մասն առնելոց եմք և վերջն այլ ի չարիսն երթալոց է: Ապա և վէճիրն զնա մանգուլ արար և եգ զատի զոմն էմիր, որ երբեմն արարեալ էր սակաւ օր:

Դչի (6 Մայիս). Մարտիրոս վարդապետն ի մեր տունն եկ տեսանել զՄղտեսին վասն հիւանդութեան, ընդ նմա և այլ իրիցունք¹⁾ ի մերայնոցս և անտի ի յԱստուածածնայ, և կէս աւուրն ել և գնաց ի Սուրբ Գէորգ:

Եւ այգուցս Համբարձում Տեսան մերոյ որ օր ամսոյ էն էր Մայիսի, ել գնաց ի գերեզման Հոգեւորաբիրին:

Եւ օրս Ուրբաթ (8 Մայիս). ել և գնաց Մարտիրոս վարդապետն ի Պրուսա: Եւ օրս զազիէսքէրքն փոխեցին եւ եղին Ուռումէլի զՍուլնիզատէն եւ Ա-

1) իրիցուք: